

虧欠馬駒四匹折買一匹

成化十六年三月初九日太子太保兵部尚書余 等

題為區畫馬政事

御馬監太監汪

題

今查得成化二年間該兵部尚書

王復等題將各處衛所州縣所養孳生牧種驪馬自順天
七年起至成化二年止虧欠孳生馬駒今有司四匹折買堪撥
兒駒馬匹軍衛五匹折買一匹名目四戶馬該堪騎用緣前
項馬匹已查數區畫今征進官軍於太僕寺領到馬
多是矮米堪騎用如蒙乞

勅兵部查照前例自成化二年以後軍衛有司若有拖欠孳生馬駒
仍令民間四匹折買一匹軍衛五匹折買一匹務要健壯
轉發寄養遇驚得用實為便益與太保太子太保因公
朱水太子太保定西侯蔣琬太子太保兵部尚書

兼都察院右副都御史王越各具本成化十六年正月二十九日
該本部官欽奉

聖旨是兵部知道欽此抄出送司查得先為區畫馬匹武驤左等四
衛并收馬十戶所投補軍役有人訴告法司免查究例
成化十八年四月二十四日御馬監太監錢等

題為乞

恩分豁軍役事據提督勇士武驤左等四衛指揮使李聰等呈據
本衛左十戶等所申據一百戶滕海等申奉本衛
帖文據經歷司案呈承准兵部職方司手本奉
本部送該本司案呈據錦衣衛撫司手本為法等事
開查各衛所自成化十三年十二月起至十五年七月止收
過軍人名數造報中間收免不明者听從事前檢舉
改政等因查得先因各衛所逃故軍士數目缺軍

養馬差掇成化十三年等節蒙兵部奏

准招募諸色人等投充軍役除遵行收充外及查一前項年分節奉兵部明文收補軍人中間有係先年逃改軍人遺下義男女婿外甥有係別衛州縣異姓人民各照見行事例一摺告補收充已經送監著後去後今前因除候造冊繳報部外緣係查究事理乞為轉送備呈到職具呈到監本監查得成化十六年八月二十四日據督部李至等呈稱武驤左衛所養馬旗軍係宣德年間設立四衛管理所據原設軍士多有原衛名籍文冊鄉貫差訛亦有調發外衛所山後人役無分者及近年逃故等項數多一向清勾未到以此缺軍養馬差掇緣各軍在營多遺下義男女婿外甥別無差役遇例投充陸續收補俱係兵部明文准令補伍

養馬倘被爭擾未便搃呈到監本監照得逃故等項數多以此缺軍養今陸續投補軍人已撥送養馬差掇去後再照各軍中間恐有相干各衛縣親識次丁或投爭告乞為停優候有司解到親丁至日改政如無解到實令各軍養馬差掇具奏奉

聖旨是該衙門知道欽此欽遵已經通行兵部等衙門去後今呈前因要行查勘一節緣前充軍役俱奉兵部明文准令已行撥發各馬房補伍差掇外如蒙伏望

聖恩憐憫乞

勅該部將武驤左等四衛并收馬十戶所自成化十三年十二月起至成化十八年正月止收過投充補役各衛州縣軍余入等實今照舊養馬差掇徑該官吏此時

中間失於查勘乞免追究後有同籍軍民人等訴告
者法司免查其究擾害無使官吏安然軍士不發言措
亂迺竄緣係乞

恩分豁事理具題奉

聖旨是既收充補不必查究著照舊養馬差操兵部知道欽此

陳馬遠限差吏等項

成化十九年十月十九日刑部尚書張 等題准兵部咨

照得先該本部議擬奏

准每歲備用馬二萬匹太僕寺所屬取七分南京太僕寺所屬取三
分俱限八月以東解部等因已經通行欽遵外續該
太僕寺呈為措置騎擇為匹事本部擬議合府州縣
解馬二十匹以上差官管解官有事故及二十匹以下
方許差吏違者照例叅送法司究問等因又經奏
准通行欽遵去後今查得十九年該備用馬匹除依限解到及患病
告有堪信文憑外數內在京在外義勇中等衛并直
隸順德等府及山東等布政司濟寧等州縣千百戶
通判判州縣丞等官楊廣等九十七員各於九月日
期不等方纔到部俱係違限人數欲便送問緣